



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026033 24
Sarajevo, 29.01.2025.godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

SULEYMAN AKYUZ, [REDACTED], rođen [REDACTED] 1986.godine u mjestu Cinar, Turska, državljanin Turske, [REDACTED]

Što je:

1. Dana 19.09.2024.godine, oko 00,30 sati u mjestu Čatrnja, Grad Gradiška, u neposrednoj blizini granice BiH i RH, sigurnosni sektor A5, u namjeri sticanja protupravne imovinske koristi, prethodno na njemu poznatoj lokaciji izvršio preuzimanje i prihvatao jedanaest državljana Sirije koje je smjestio u vozilo kombi, s ciljem da ih doveze do pogodnog mjesta u blizini granice

BiH i RH gdje bi im omogućio da nezakonito prijeđu granicu, sve u dogovoru sa njemu poznatim osobama, gdje bi njemu poznate osobe prevožene migrante ilegalno prebacile na teritorij RH preko rijeke Save čamcima, postupajući tako suprotno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog organizovanog kriminala („Službeni glasnik BiH“ broj: 3/02), protivno članu 7. stav 2. Zakona o graničnoj kontroli („Službeni glasnik Bosne i Hercegovine“, broj: 53/09,54/10,47/14), kao i članovima 8., 15. i 16. Zakona o strancima („Službeni glasnik BiH“, broj: 88/15, 34/21, 63/23), znajući da navedena lica ne mogu zakonito prijeći granicu, niti posjeduju putne isprave, pa se dovezao sa jedanaest lica, državljana Sirije, u neposrednu blizinu granice BiH i RH u mjestu Čatrnja, Grad Gradiška u blizinu mjesta gdje su navedena lica trebala izaći iz vozila i ukrcati se na čamce preko rijeke Save, sigurnosnom sektoru A5, nakon čega je osumnjičeni zaustavljen i spriječen u pokušaju nedozvoljenog prevođenja prevoženih lica preko državne granice u RH od strane policijskih službenika Granične policije BiH, JGP Gradiška.

2. Nakon što je dana 19.09.2024.godine, oko 00:30 sati u mjestu Čatrnja, Grad Gradiška, u neposrednoj blizini granice BiH i RH, sigurnosni sektor A5, osumnjičeni Suleyman Akyuz otkriven od strane pripadnika Granične policije BiH i zaustavljen u kombi vozilu u kojem se nalazilo jedanaest lica, državljana Sirije, a koje je Suleyman Akyuz prevezio do pogodnog mjesta kako bi istima omogućio njihovo nedozvoljeno prevođenje preko državne granice BiH u RH, pokušao dati novac u iznosu od 150 EUR policijskim službenicima Granične policije BiH, JGP Gradiška koji su mu tražili dokumente o vozilu, a koji su službena lica u institucijama BiH, kako ne bi izvršili svoju dužnost i kako bi istog nesmetano pustili zajedno sa prevoženim licima, državljanima Sirije, na način da je potvrdu o registraciji vozila predao službenicima Granične policije BiH, u koju je prethodno stavio novčanice u ukupnom iznosu od 150 EUR, nakon čega je isti lišen slobode od strane pripadnika Granične policije BiH, JGP Gradiška.

Dakle, u namjeri pribavljanja za sebe imovinske koristi nedozvoljeno pokušao prevesti više lica preko državne granice i u namjeri da službena lica u institucijama BiH ne izvrše svoju funkciju i radnje, istima pokušao dati novac u iznosu od 150 EUR.

Čime je počinio krivično djelo Krijumčarenje ljudi iz člana 189. stav 1. KZ BiH u vezi sa članom 26. i 29. istog Zakona, te krivično djelo Davanje poklona i drugih oblika koristi iz člana 218. stav 1. KZ BiH u vezi sa članom 26. istog Zakona, sve u vezi sa članom 53. KZ BiH.

TUŽILAC
TUŽILAŠTVA/TUŽITELJSTVA BiH